



Broj: 02-11-1525-5/25
Fojnica:22.08.2025.godine

Na osnovu člana 64. stav 1. tačka b. i člana 70. stav (1), (2) i (3) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15) a u vezi sa preporukom Komisije za provođenje postupka javne nabavke, broj: 02-11-1525/25 od 21.08.2025. godine, Općinski načelnik donosi

ODLUKU **o izboru najpovoljnijeg ponuđača**

Član 1.

Na osnovu provedenog Otvorenog postupka javne nabavke radova „Regulacija rijeke Željeznice u mjestima pogođenim prirodnim nesrećom uzrokovanih poplavama u oktobru 2024. godine“, broj Obavještenja o nabavci: 546-1-3-41-3-35/25 od 22.07.2025. godine i kriterija najniža cijena, kao najpovoljnijom i ocjenjenom najprihvatljivijom ponudom je ponuda ponuđača za:

- LOT 1 ponuđač TWI doo Kiseljak sa ponuđenom cijenom u iznosu od 79.000,00 KM, bez uračunatog PDV-a.
- LOT 2 ponuđač MILIČEVIĆ GRADNJA doo Kreševo sa ponuđenom cijenom u iznosu od 351.200,00 KM, bez uračunatog PDV-a.
- LOT 3 ponuđač TWI doo Kiseljak sa ponuđenom cijenom u iznosu od 49.000,00 KM, bez uračunatog PDV-a.

Član 2.

Izabrani ponuđači su dužni u roku od 5 (pet) dana od dana prijema ove Odluke Ugovornom organu dostaviti dokumente iz člana 45. stav (2) Zakona o javnim nabavkama BiH, kojim dokazuju vjerodostojnost date izjave, kao i obrazac za cijenu ponude sa umanjenim cijenama nakon provedene e-aukcije.

Član 3.

Prijedlog Ugovora o nabavci dostavit će se na potpis izabranom ponuđaču iz člana 1. ove Odluke u skladu sa odredbama Zakona o javnim nabavkama BiH.

Član 4.

Ova Odluka bit će objavljena na web-stranici Općine Fojnica, istovremeno s upućivanjem iste svim ponuđačima koji su učestvovali u postupku predmetne javne nabavke, shodno članu 70 stav (6) Zakonu o javnim nabavkama BiH.

Obrazloženje

Postupak javne nabavke radova „Regulacija rijeke Željeznice u mjestima pogođenim prirodnim nesrećom uzrokovanih poplavama u oktobru 2024. godine“ proveden je putem Otvorenog postupka na osnovu Odluke o pokretanju postupka javne nabavke, broj: 02-11-1525/25 od 15.07.2025. godine.

Procijenjena vrijednost predmetne javne nabavke bez PDV-a je: 498.120,75 KM

-za LOT 1 =90,940,20 KM – Regulacija desne i lijeve obale Gvožđanke uzvodno od mosta kod Praja;

-za LOT 2 =351.625,00 KM – Regulacija desne i lijeve obale Željaznice od mosta kod naselja „Socijalno stanovanje“ Gojevići i

-za LOT 3 =55.555,55 KM - Regulacija desne i lijeve obale Gvožđanke uzvodno od mosta mjestu Gojevići .

Obavještenje o predmetnoj nabavci objavljeno je na portalu javnih nabavki i u sistemu E-nabavke, pod brojem: 546-1-3-41-3-35/25 od 22.07.2025. godine.

Tendersku dokumentaciju su preuzeli ponuđači: INNOVI DOO;_SIM-INVESTICIJE Fojnica, TENNECO ING DOO Kiseljak, MILIČEVIĆ-GRADNJA DOO Kreševo, SEJARICOPEX DOO KISELJAK Kiseljak, AJNUR -DRVO DOO KREŠEVO, BRUSNICA TRADE DOO Fojnica, ZEKO-S DOO ZENICA, DRVOPLAST DOO BUSOVAČA"VIZIJA" DOO VISOKO, BBS EUROPA, EKOSTAN DOO, STRUKTURA DOO, GRADNJA-1 TEŠANJ DOO, EKAPIJA DOO, VH-GRADNJA DOO FOJNICA, TWI DOO, RADIS DOO BUCOMERC DOO,_ORMAN DOO,_GRAKOP DOO KISELJAK, JAVNO STAMBENO, KOMUNALNO, GRAĐEVINSKO I USLUŽNO PREDUZEĆE "PRAČA" DOO

Komisija za provođenje postupaka javne nabavke, je dostavila Općinskom načelniku Zapisnik o pregledu i ocjeni ponuda sa preporukom o izboru najboljeg ponuđača za nabavku radova „Regulacija rijeke Željeznice u mjestima pogođenim prirodnim nesrećom uzrokovanih poplavama u oktobru 2024. godine”, broj: 02-11-1525-4/25 od 21.08.2025. godine.

Zapisnički je konstatovano:

1. da je blagovremeno i pravilno izvršeno otvaranje pristiglih ponuda, dana 12.08.2025. godine,
2. da su blagovremeno zaprimljene tri ponude,
3. da nije bilo neblagovremeno zaprimljenih ponuda
4. da su ponude ponuđača: TWI doo Kiseljak; MILIČEVIĆ GRADNJA doo Kreševo i RADIS doo Istično Novo Sarajevo prihvatljive ponude.
5. da je u skladu Tenderskom dokumentacijom provedena E-aukcija dana 20.08.2025. godine sa početkom za LOT 1 u 10:15 sati; za LOT 2 u 10:30 sati i za LOT 3 u 10:45 sati

da je nakon provedene E-aukcije utvrđeno da je za LOT 1 najpovoljniji ponuđač TWI doo Kiseljak sa ponuđenom cijenom u iznosu od 79.000,00 KM, bez uračunatog PDV-a, za LOT 2 najpovoljniji ponuđač MILIČEVIĆ GRADNJA doo Kreševo sa ponuđenom cijenom u iznosu od 351.200,00 KM, bez uračunatog PDV-a i za LOT 3 najpovoljniji ponuđač TWI doo Kiseljak sa ponuđenom cijenom u iznosu od 49.000,00 KM, bez uračunatog PDV-a.

Na osnovu navedenog komisija predlaže kao najpovoljnije ponude ponuđača za LOT 1 i LOT 3 TWI doo Kiseljak sa sjedištem Brestovsko Kiseljak i za LOT 2 MILIČEVIĆ GRADNJA doo Kreševo sa sjedištem Resnik bb Kreševo, te predlaže ugovornom organu da donese Odluku o izboru najpovoljnijeg ponuđača i zaključi Ugovor.

U postupku donošenja ove Odluke, posebno je cijenjena činjenica, da je Komisija pravilno i potpuno izvršila ocjenu kvalificiranosti ponuđača, kao i ocjenu pristiglih ponuda, shodno kriterijima iz tenderske dokumentacije. U postupku ocjene provedenog postupka Općinski načelnik nije našao nepravilnosti ili propuste u radu koji bi eventualno bili razlog za neprihvatanje preporuke Komisije za javne nabavke. Naime utvrđeno je da je izbor

najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir navedeno odlučeno je kao u dispozitivu ove Odluke.

POUKA O PRAVNOM LIJEKU

Protiv ove Odluke dozvoljena je žalba Uredu za razmatranje žalbi BiH putem Ugovornog organa u pisanoj formi najkasnije u roku od 10 dana od dana prijema ove Odluke. Naknada za žalbu je propisana članom 108 Zakona o javnim nabavkama BiH. Žalba se podnosi u dovoljnom broju primjeraka koji ne može biti manji od tri.

Dostavljeno:

1. „TWI“ d.o.o. Kiseljak
2. „MILIČEVIĆ GRADNJA“ d.o.o. Kreševo
3. „RADIS“ d.o.o. Istočno Novo Sarajevo
4. Evidencija
5. A/a

 **OPĆINSKI NAČELNIK**
Sabahudin Klisura, dipl. ing.